



Retningslinjer for foreldreutval ved barnehagane i Kviteseid kommune

Lov om barnehager

§ 4. Foreldreråd og samarbeidsutvalg

For å sikre samarbeidet med barnas hjem, skal hver barnehage ha et foreldreråd og et samarbeidsutvalg. Foreldrerådet består av foreldrene/de foresatte til alle barna og skal fremme deres fellesinteresser og bidra til at samarbeidet mellom barnehagen og foreldregruppen skaper et godt barnehagemiljø. Er det i forskrift etter § 15 satt maksimalgrense for foreldrebetaling, kan bare foreldrerådet samtykke i foreldrebetaling ut over dette.

Oppretting av foreldreutvalet

Styrrar i barnehagen og fagleiar ved oppvekstsentra har ansvar for at foreldreutvalet blir oppretta kvar haust, og at foreldreutvalet vel to representantar som også er medlemmer av samarbeidsutvalet. Det er representantane som kallar inn til og leier møte i foreldreutvalet. Dette kan være i samarbeid med styrrar/fagleiar. Det er representantane som syter for referat frå møte.

Styrrar i barnehagen og fagleiar ved oppvekstsentra har ansvar for at informasjon om kven som er representantar blir gjort kjend på kommunen si heimeside.

Om foreldreutvalet sitt arbeid

Foreldreutvalet skal fremme foreldre/føresette sine fellesinteresser, bidra til samarbeidet med barnehagen og bidra til å skape eit godt barnehagemiljø. Styrrar i barnehagen og fagleiar ved oppvekstsentra deltek på heile/delar av møta dersom det er saker som skal leggest fram, eller dersom det er ynskt av foreldreutvalet.

Styrrar i barnehagen og fagleiar ved oppvekstsentra har ansvar for at saker av viktigheit blir lagt fram for foreldreutvalet.

Døme på saker foreldreutvalet kan handsame kan vere: verksemds- og utviklingsplanar, budsjettframlegg, heim-barnehage samarbeid, trafikkforhold, brukarundersøkingar, planar for ombygging og vedlikehald.

Dersom foreldrebetalinga skal bli sett høgare enn maksimalgrensa etter forskrift § 15, skal foreldreutvalet gje samtykke til dette.

Styrrar i barnehagen og fagleiar ved oppvekstsentra har ansvar for å gjere desse retningslinjene kjend for medlemmene av foreldreutvalet på fyrste møte om hausten.